



Broj:05.3.34-7850-1/19
Sarajevo, 09.01.2020.

Bosna i Hercegovina
Federacija Bosne i Hercegovine
Skupština Kantona Sarajevo

1.4-01-2020
05 45190-109-2/19

PREDMET: Odgovor na zastupničko pitanje uvaženog zastupnika g. Zvonka Marića vezano provedbu Plana interventnih mjera u slučajevima prekomjerne zagađenosti zraka u Kantonu Sarajevo (Službene novine KS broj 44/19) tokom epizoda "Pripravnost" i "Upozorenje" koje je trajalo od 06.12.2019. do 09.12.2019. (veza dopis od 18.12.2019. broj 01-05-43190-109/19)


Poštovani,

Prema odredbama Plana interventnih mjera u slučajevima prekomjerne zagađenosti zraka u Kantonu Sarajevo (Službene novine KS broj 44/19), u dijelu III Subjekti zaduženi za primjenu Plana, zaduženja J. U. Zavod za javno zdravstvo Kantona Sarajevo su da:

- učestvuje u radu Stručnog tijela za koordinaciju i nadzor u dijelu monitoringa kvaliteta zraka i izvještavanja o stanju kvaliteta zraka prema drugim članovima tijela i ministarstva,
- vrši obaveze predviđene Ugovorom o monitoringu kvaliteta zraka, na osnovu izmjerenih koncentracija zagađujućih materija u zraku,
- obavještava građane o izmjerenim vrijednostima i uticaju na zdravlje putem web stranice Zavoda i kantonalne web stranice kvalitetzraka.ba,
- kontinuirano, svakodnevno, dostavlja izvještaje Ministarstvu prostornog uređenja, građenja i zaštite okoliša o stanju kvaliteta zraka,
- daje informacije medijima o stanju kvaliteta zraka i preporukama za stanovništvo,
- preduzima druge mjere koje mogu doprinijeti zaštiti zdravlja građana.

Na osnovu nabrojanih aktivnosti za period od 06.12.2019. do 09.12.2019. kada su bile na snazi epizode "Pripravnosti" i "Upozorenja" Zavod je preduzimao slijedeće aktivnosti koje su ujedno aktivnosti koje poduzima tokom čitave godine i u slučajevima prekoračenja koncentracije bilo kojeg parametra monitoringa, a koji je predviđen Planom, aktivira svoje aktivnosti:

- u skladu sa obavezama nadzire rad stanica i analizatora i održava, u skladu sa mogućnostima, nesmetan rad i prenos podataka što praktično znači da vrši redovan nadzor i održavanje rada analizatora i u slučajevima prestanka rada analizatora ili prekida u komunikaciji sa serverom izlazi na teren i pronalazi uzrok i otklanja.
- svako jutro vrši validaciju i obračun podataka za predhodni dan (24 časovni prosjek) svih praćenih polutanata kao i prosjek do 08,00 za tekući dan, trendove kretanja koncentracija za predhodni period zagađenja i dostavlja svim članovima Stručnog tijela kao i doktorima koji treba da izdaju zdravstvene preporuke koje odgovaraju stanju kvaliteta zraka i mogućem nepovoljnom uticaju na zdravlje ljudi.
- Nakon dobivanja zvanične vremenske prognoze od strane Federalnog hidrometeorološkog zavoda sastavlja se prijedlog izvještaja stručnog tijela i šalje svim članovima Stručnog



Adresa: dr. Mustafe Pintola br.1, 71210 Ilidža
Tel/fax: 622-227; 624-470
web: <http://www.zzjzks.ba>
e-mail: gzavod@bih.net.ba



tijela na usvajanje. Komunikacija se ostvaruje putem maila i viber grupe između članova Stručnog tijela za koordinaciju i nadzor.

- Nakon usvajanja izvještaja on se prosljeđuje, prema utvrđenom Protokolu rada Stručnog tijela za koordinaciju i nadzor, na nadležno postupanje Press slubi za slučaj proglašenja epizode "Pripravnosti" i Ministru prostornog uređenja, građenja i zaštite okoliša Kantona Sarajevo kada je, u pitanju epizoda "Upozorenja".
- Kada su se stekli uslovi 06.12.2019. za proglašenje prve epizode "Pripravnosti" prema Planu odmah se pristupilo izradi Saopštenja za javnost koji je obuhvatao izvještaj Stručnog tijela, odredbe Plana i preporuke za stanovništvo i Press služba Kantona Sarajevo je izvršila obradu i formiranje konačnog saopštenja koje je objavljeno i prosljeđeno na (koliko je nama poznato) 70 adresa medija u cilju što bolje informisanosti javnosti.
- Zavod preuzima konačan izgled saopštenja stručnog tijela i postavlja na web stranice kvalitetzraka.ba i zzjzk.ba. (u periodu od 06.12. do 09.12. Zavod je objavio šest saopštenja/informacija za javnost).
- Zavod je na raspolaganju medijima i građanima u smislu davanja izjava kao jedina ovlaštena institucija za službeni monitoring kvaliteta zraka u Kantonu Sarajevo.
- Zavod u sklopu svog rada na poslovima monitoringa kvaliteta zraka, učešća u radu Stručnog tijela za koordinaciju i nadzor osim svakodnevnih, mjesečnih i godišnjih izvještajavrši i posebna periodična izvještavanja u ovakvim situacijama prema Ministarstvu prostornog uređenja, građenja i zaštite okoliša Kantona Sarajevo za potrebe pripreme informacije za Vladu Kantona Sarajevo.
- Radi napomene dešavanja tokom prve polovine decembra:
 - 04.12. proglašena epizoda "Pripravnosti" za zonu Općine Ilijaš
 - 06.12. proglašena epizoda "Pripravnosti" za sve zone u Kantonu gdje se primjenjuje Plan interventnih mjera.
 - 07.12. Proglašena epizoda "Upozorenja"- za sve zone u Kantonu gdje se primjenjuje Plan interventnih mjera.
 - 09.10. ukinuta epizoda "Upozorenja" a zadržana epizoda "Pripravnost".
 - 10.12. Ukinute sve epizode.(Stanica Ilijaš- prekoračenja za svih 10 dana mjeseca decembra PM₁₀, stanica Vijećnica- prekoračenja za 4 dana tokom decembra PM₁₀, stanica Otoka- prekoračenja za svih 7 dana u decembru PM₁₀, stanica Ilidža je vršila mjerenja do 04.12. kada je analizator poslat na servis radi sumnje na neispravnost rezultata mjerenja).

Srdačan pozdrav,

Izradila:

Mr.sci. Sanela Salihagić dipl.ing. hem.

[Redacted signature]



Dostaviti:

- Naslovu;
- Arhiva RJ03